


夢痕錄餘
上

傳 683.083
80元
13



夢痕錄餘

蕭由汪輝祖



丙辰病榻命兒輩詮次夢痕錄訖夏月輒授梓人
繇息三年幸能握管縈迴近事手自劄記始於七
月繼前錄也前專敘事此多記言親知答問有關
世務足與藥言臆說庸訓相參者具存之冬爲歲
餘余齒冬矣歲杪付兒晉鈔開春上版嗣是以往
餘年知幾大夢之覺遲疾聽天隨錄隨刊其痕斯
在故不繫病榻而謂之夢痕錄餘云戊午長至前
三日歸廬主人識

七月吉公陞兩廣總督專使聘延辭以疾又屬縣尊方

公到家諄致實不能應聞公甚爲悵惜余自罷官
後累奉楚晉憲府相招浙中故人亦申舊誼皆婉
辭固謝或疑厚殖自豪或讓孤介絕物迨見資用
竭蹶則羣笑爲迂嗟乎知我者其惟惺園師乎前見
錄癸丑蓋幕客與主人禮相抗故言可行既忝爲
牧令大吏縱恭敬下士終宜自循素分小謙抑卽
難堅行吾志此理之不可者一也幕曰硯田寒士
資以治生業爲之數十年長分官俸幸登仕版不
能保有常祿而復與寒畯爭升斗之糶此義之不
安者二也且鄙性硜硜曩佐州縣受擠排忍笑侮

賴主人敬信得行我法今幕於憲府者居養漸移
氣體烜赫旣北轍南轅之各異必圓錐方鑿之相
違此勢之不協者三也至故人幕中尙多舊友更
恐今昔殊致轉被挪揄杼柚余懷不敢告人而今
而後人其忘我矣乎八月得良醫張上舍樹堂應
椿專主補氣每劑黃耆四兩上黨蕩三兩附子八
錢他稱是重逾一斤五六兩見者訝其膽然服之
兩月餘食飲日加右手漸能執筆初醫者狃於治
風先治血之說重用地黃痰溼日增微樹堂病幾
積重樹堂於醫家言無不究心切脈定方各有依

據而以意參贊之所治多效其言中風中字當作
平聲讀中虛則氣虧血熱風自內生與外感不同
惟粹中之中讀作去聲其風由外入法不可治論
最精確先是譔美堂成樓上祔室奉 先世神版
而木主尚祔大義小宗祠春秋二祭余詣祠襄禮
既病不能赴鄉日夕耿耿念宗嫡在城禮須守祔
諏吉十一月命 坊培塚 恭迎 曾祖考 曾祖妣
祖考 祖妣 先考 先妣 繼妣 生妣洎
前室主奉安祔室堂門補懸雙節扁額 先祖考
年五十時繪存小像神容逼肖敬謹裝潢奉懸堂

中與兒輩縷述遺訓永誌感慕戚山陰諸氏嫡庶
各有子嫡長庶幼父治命妾當祔葬越廿年父沒
嫡子治葬事以庶由婢升有難色庶子告於房族
嫡子勉遵父命然築壙以父母分昭穆而祔庶壙
於穆右退後五尺勢將構訟庶子知余葬生母與
嫡母並邀其兄來質余應之曰余生母之葬禮由
義起蓋先嫡母無腹出兄弟寒家四世單傳余承
宗祀以子葬母無應殺之義若嫡子主葬祭則庶
宜少屈喪服小記易牲而祔於女君義疏云女君
指適妻言妾牲當下女君一等今祔於女君故易

女君性言性則壙可例推功令妾無子女謂之父
妾有子女者嫡子稱庶母制服暮年何可以婢升
薄之權以管見壙制應父居中嫡居昭庶營於穆
比嫡退讓一尺似合易牲之義情理俱順憶往歲
壬午館平湖有嫡子陸騰與庶子陸煌造墳互訐
略與此同騰營壙時欺煌幼壙退四尺又故隘比
啟視煌已成立遂訟余議斷改造騰累控府司錄
案詳銷復控撫軍熊公學鵬提卷覈批飭遵縣斷
謂余不信可至平湖錄案也案起於壬午九月定
於甲申五月方互訐時騰受產本多兼有私蓄訟

師簧鼓志在必勝迨丙申余再館平湖煌可自給
騰囊已久天道響應如之何勿懼兄若弟唯唯去

越二年友人謂若兄弟聞言
悔悟如余言安壙式好無尤十二月徐古梅寄到

惺園師小春望日書書云孟冬中澣徐年兄至接
手書極荷遠注比惟年兄起居勝常爲慰來書謂
當今吏治莫要于培養元氣表率得人則治道日
上真見到之言愚濫廁樞庭毫無建白清夜捫心
汗流浹背今舉以相勸益覺慚惶之至徐年兄云
吉撫軍欲保題年兄孝廉方正信名實相副而年
兄謙讓未遑再三辭謝亦足爲奔競者作中流砥

柱矣令嗣少年英發暫時鍛羽不足介意愚謂就
幕非不可爲之事况年兄老成練達實心經理歷
有年所令嗣稟承有素自必高出時輩來札云近
日幕道日非恐不能造就人才而反易荒故業轉
瞬計借就近課徒可以敦學相長計慮更長愚嘗
謂兒輩安分讀書此是腳踏實地工夫自棄與希
冀者蓋兩失之古人格言具在不可不深長思也
愚老病日增時形衰朽左腿舊有瘰疾夏間 扈
從灤陽酸痛更甚乞假四月猶未漸痊而閒居私
寓實抱不安因於前月將

內廷及軍機處差使懇

恩寬假暫免行走請專于內閣禮部兩處電勉供職蒙
聖恩並免管理禮部祇在內閣專閱章疏以資調養

高厚鴻慈實非夢想所及敝寓均叨庇平善可紆錦
念草此覆候不一是年番銀一圓直制錢一千二
百數十文後至二百餘文北海塘外充公沙地木
棉花歉收佃戶欠租不足給滿洲營贍養孤寡之
額將軍劾奏奉

命侍郎到縣確查藩司汪公

志伊縣尊方公 于泗被

議鐫級充公沙地者錢清場所轄濱海沙塗先經

陞科坵而復漲者曰原業本無業戶漲而報陞者
曰新陞經界不清強侵弱控自乾隆四十四年後
爭訐紛仍五十六七兩年木棉極盛覬爲利藪構
訟日劇屢斷屢翻每至七八月械鬪傷人吉公患
之五十九年分委道府釐清塵牘通計新漲地十
餘萬畝 奏請輸官許民承佃畝徵租錢三百文
以贍滿營孤寡佃戶赴場納課赴縣輸租然沙地
旣坵漲靡常木棉復衰旺不一 奏案甫定會收
成歉薄佃戶逃徙次年卽徵租棘手累及當事安
得歲歲普豐官民並泰耶聞邵學士二雲 晉涵卒

於官余自友二雲始得知天下士羅臺山魯絜非
其最也二雲每握手必以道義相勸常戒余伉直
太過恐處事易迂書來亦然余敬佩不忘少余十
二歲丙午送余彰義門外余曰此行幸邀

封典卽作歸計未必再入此門脫不幸銘幽之文責在
吾子泣然分手方余告病獲譽同官吳敬齋 繩祖

在都二三故人爲余惋惜二雲曰諸君勿爾龍莊
當泰然也因誦余畱別詩最好官箴雙節錄無多
宦味五年心句歎爲素志不欺敬齋還楚述知余
乾笑頷之然 繼坊言惺園師亦嘉余有定志紀曉

嵐先生知余被劾逢人歎惜同里來明府虹橋
成進士歸言先生於衆中屢屢齒及迂拙之素信
於師友若此滋之媿矣虹橋以知縣即用問治術
出臆說贈之聞善飲勸先止酒讀律例究洗冤錄
以植治本去臘嬰風疾相愛者憂期月復發秋中
婦病殆而復安今得團聚迎年實出意外除夕作
書事四律
覽覽枝梧到歲除
緒風吹鬢怯攻虛
昨光陰蛇赴壑
病來精力蝨
霧難消受康甯
福待覓安心燕
雪蛆相隣同病
笑山妻蚤駉因
緣共挈提談虎
比來常色變對
鴻猶幸得眉齊
舊方藥慣從醫
試凡鳥書慙任
客題便許開春
身更健嶽游應
是屐難攜身世
茫茫百感摧更
無吟興賦庭梅
號寒愛遇三冬
日占瑞驚聞十
月雷封朗

事爭看桃符循例換獨支筇杖祭詩來微聞米價
江東賤好語尊前笑口開
衰齡聊爾祝長延
食蠹虛聞可得仙
絲贖一絢禁幾絡
甲餘七札可能穿
難償舊債兼新債
敢信來年勝去年
解悟淵明歸化情
早疎機巧樂吾天

二年丁巳六十八歲元旦口占

衰倦從容晏起時
寒帷幾度見兒嬉
占秋先喜

風來吉賀歲何嫌日上遲
六十七年慙素食百千
萬國望形輝陽和共飲承
平福誰賦王褒樂職
二月漸可校書取廿四史同姓名錄彙本重加

覈訂再錄再校脫漏終不能免補遺之功不得不
俟諸兒輩五月粗能作字取穀騰伐繕書目序及

孫甥繼英代繕城鄉祭規各序皆一一手書以信

子孫前一年繼培歲試前列至是食餼繪三代合

像二軸一送老屋收藏一貯誤美堂余與曹宜人
同繪生像並摹王宜人遺像於左誤神堂柱聯一
高閣直臨城闕迥先靈長伴聖賢居誤美堂四箴
乞湯敦山書之素屏敬先箴曰奕奕斯堂世德流
馨傳紀頌賦歌贊箴銘乞言卅載稽拜涕零前芬
是誦後嗣之型猶歟我 祖陟降在庭繩繩勿替
敬爰 先靈 藏書箴曰詒孫有穀書爲良田稽
古有獲是謂豐年可以用世可以樂天儲藏非易
賣文之錢來無不義書難求全勿散勿褻庶永吾
傳 守身箴曰吉士守身嚴於處女遠嫌慎微動

循規矩青蠅玷圭辱不在鉅甯介毋隨勿狂與腐
小人所譏君子所取徇物者愚人貴自樹 治家
箴曰克振家聲務本爲大嫺莫繫援交毋向背勿
吝而鄙勿夸而泰重學尊師守常遠怪御下宜寬
睦隣須耐要言不煩此其大槩堂聯一聰聽祖考
彝訓思詒父母令名柱聯二一日天下文章莫大
是先人名蹟因繫之一曰述先芬垂後範殫一生
心力壽棗鏤珉他日魂歸應戀此循天理順人情
揭四則箴規承家保世汝曹口誦好爲之自四月
中至六月望前陰雨連綿低田種後復淹東鄉尤

甚過大暑猶紛紛補種西興沙地全坍漸露塘根
望京門外海潮由開口溢入內河水味常鹹鎮水
菴迤南達四都徧江勢尤危險閏六月瘧作幸不
久卽止繼以脾泄大困七月朔親友集議以鎮水
菴一帶向係長河里承辦縣尊光山李公蘇鄰
蘭履塘勘估令邑之有力者公捐錢四百餘千文
交長河里人修築土備塘不足則聽里人捐益八
月甯遠縣民陳瑞元齋紳耆東札過訪必欲面陳
感其意延見於寢渠云民又苦訟師爲厲俱望病
痊復出蓋邑距省一千三百里傳聞未確以余未

至善化告病時繫甯遠縣銜謂病痊當坐補原缺
而不知余已鑄職也一一告之款畱兩日口授兒

輩作報書并寄詩一章

我歸別甯遠在苒餘六春
桑下三宿戀矧百五十旬
客從甯遠來訪我湘湖濱
鬢髮重鬱鬢髮觸懷前
因汲深綆苦短素餐慙
代輪拔薤志未逮膏雨
安能均負郭歐與劉樊樂
多耆紳西北推揚李柏
鄭皆嫺鄰盧王李田蔣東
南稱俊民早晚識得失
惠然偃室親尺素久疎闊
離緒誰爲申故人今念
我彌媿故人此心沾泥
絮不揚東海塵側聞新
令尹慈惠專撫循願言頌
樂土幸毋禱囂囂化俗
愈美熙熙慶皇仁
嗟我困二豎望遠虛殷
殷瑞元怏怏別去余亦
撫摺枕哦此詩臨風慨
以呻

然竟日虹橋謁選入京附上惺園師書九月歸第

四女同邑國子生於泗堂

學傳

次子

文熊東鄉何

九

氏妾有勞于家生女殤年四十餘病歿家長欲爲立主難其稱謂介媼項氏問余可否余曰雜記云妾耐於妾祖姑禮得有主今律有女之父妾嫡子稱庶母主題先庶母而書嫡子某敬立於旁釋禮與律似無不可十月初番銀一圓易制錢一千二百文逐日遞減不浹旬每圓止直錢八百文紋銀一兩直錢一千二三十文米價平減十二月爲族節婦李氏立繼李氏者縣學生紫躍天樞妻也年二十四無子贅居久欲以夫兄獨子勲嗣夫後堂從覲以其子八繼非李所喜悅數年不決今李年

五十二且病走懇於余余爲定議猶有不肯畫押者案乾隆四十年十一月奉

上諭獨子不准出繼本非定例前因太僕寺少卿魯國華條奏經部議准行但立繼一事專爲承祧奉養固當案昭穆之序亦宜順孀婦之心所以例載不得於所後之親准其另立實准乎情理之宜也至獨子雖宗支所係但或其人已死而其兄弟各有子豈能視其無後況存者尙可生育而死者應與續延卽或兄弟俱已無存而以一人承兩房宗祀亦未始非從權以合經又或死者有應襲之職不

幸無嗣與其拘泥獨子之例求諸遠族何如先儘
 親兄弟之子不問是否獨子令其繼襲之為愈乎
 嗣後遇有孀婦立繼擇其屬意之人併問之本房
 是否應繼取具合族甘結即獨子亦准出繼庶窮
 殘得以母子相安而立嗣亦不致以成例阻格著
 為令欽此欽遵已久因備錄議後敬告族眾乃盡
 押除夕得詩志喜迎貓祀竈日營營喚看儂翁倚
 杖行新舊年華分半刻笑談兒
 女守三更屠蘇遞酌嘗偏後爆竹連街夢
 屢驚又是一年微倖過病來何事不關情

三年戊午六十九歲元日試筆書五十六字料峭東風
 拂面頻疎
 雲漏日歲華新衡門自杜俄三載時憲初開第一
 辰休訝寄生同木偶媿難緘口法金人未容結習

都拋盡天與
 昇平作幸民

三日奉惺園師前一年長至後一日

書書云良月接到惠函肫摯之情溢於楮墨藉稔
 年兄近邁瘧疾尋已痊止為慰愚謂此後惟當以
 靜養為主濟時利物固是隱願不宜太自勞苦來
 書所云士習吏治皆實有關世道人心然不得其
 權不能為力祇可於相信之人言之告非其人雖
 言而不著此亦有時運不可強也至云近日風氣
 經求古義文講金石此各視其學識所至大槩近
 名之念為多耳多一分近名之念即少一分務實
 之念後生小子能于此處劃開界限心地便另有

一番瀟灑光景可以意會而不可以言喻年兄教
兒子讀有用書常常提醒自不至爲習俗所移矣
吉公和平靜正天資粹美南園志行一時罕有其
匹年兄爲二公所深契大可自驗所學惜乎錢公
不可作矣其教人讀經史不必寫古字據古義亦
是靠實近裏功夫子之所望更欲如斯人者何可
易得哉愚向屬年兄得暇補郡國利病書細思之
風氣所趨今古異宜年兄謂必取明人志集補綴
議論轉不切當不能補亦不必補見解極是二十
四史同姓名及三史同名錄俾讀史者得資攷訂

是有益書承屬序言俟病少閒或可爲之然愚素
不欲以文章自鳴舊時所作存者什無二三偶一
覆檢毫無關於身心性命之學轉有近於巧言令
色之爲是以輒自焚棄而不自惜近日小暇專溫
習經書從前偶有識記尙不爲無見亦不欲以此
傳名藉以澆灌此心所見漸覺不同竟不但以之
養心并可以之養身春閒再入樞庭益形竭蹶長
夏 扈從興垣又以連次陰雨足疾復發仰荷
聖慈免在軍機行走已於七月初旬回京供職自顧虛
糜廩祿毫無裨補而急切又不能乞身職此耿耿

未由自釋近日亦屏絕醫藥老病諒難復元也風便專此佈復並候近好不宣初八日

繼坊

生第三

子於日爲穀名曰穀兒十一日第五壻歸安孫編

修遲舟

辰東第三子

憲儀

來贅初遲舟在京師聞

余舉第五女書來請婚不二年遲舟謝世余亦年逾五十今得及見其有家幸也寄荅惺園師書二月虹橋選江西萬載縣請假歸屢問政要余曰素所知者略具臆說最喫緊者莫若官須自做一條自做則勤勤則百弊自絕而欲勤必先寡欲非酒色玩好之足撓其志也讀書甚美事不知所節亦

足廢事昔有鄉先生沈某以名進士令山東潔己自愛僻好八股文日夕不去手而以官中諸事託親友任長隨甚至論文忤上官不三年被劾挪移公帑褫職籍先世遺產填補暮年不免飢寒子姪不嗜學者某督之對曰吾家若輩不讀書做官至今猶可喫安穩飯某嘗舉以語人聞者傳爲談柄夫以學廢事害猶如此況其他乎至麴蘖是耽不惟悞事尤易失言往往得罪上官啟釁僚屬人已次骨己不自知其害有不可勝言者當官諸事宜勤而命案尤不可刻緩臯余佐幕主人相驗歸有

疑竇者雖深夜必令覆鞫親於堂後聽之禁押保釋鞫訖卽定其應保者必俟取有保狀方寢以免羈累三十年藉刑名餽口惟此一念可質鬼神嘗勸主人驗畢當在屍場質取確供非應訊應押者當場保釋毋令入城主人以爲難比忝身親覺心力所至無不可爲庫項自有司者家用之出入時須自檢以防虧挪斷不宜任筭鑰於內助蓋閨人多不知大體見有餘則增衣飾之華美見不足則刻親朋之周卹習華美則不足而亦增之靳周卹則有餘而亦刻之其弊也仕則難爲交卸歸則難

對嫻鄰進退維谷可不慎歟四月孫氏女從壻歸歸安菱湖鎮七月永州人黃谷如復齋甯遠紳士書紆道來訪先是三月間得李生憲三

承綱書無

從寄荅至是又承來札憲三縣學生丁未余病瘵口痢醫者多用涼劑益殆或言生善醫延其切脈投以肉桂附子再服卽瘳後體中不佳卽晚診視逾三年無一語及於私訟其事母篤孝甚敬禮之今知余風疾未瘳言脈彙虛寒當重服葭耆桂附與樹堂論合可謂真相愛不以遠而疎者曾見學治臆說多及甯遠事書來索贈因并庸訓夢痕錄

貽之八月

繼培

赴省試是科廣額三十名榜發被

放昨秋謾美堂石柱產五色芝一本層累而上高

尺許今夏又產一本私冀兒子倖售仍不見收豈

祇為假年之祥歟重陽後病傷風浹兩旬甫能起

坐樹堂勸服紫團漫力弗逮也讀查初白慎行敬

業堂集有謝揆副憲惠人漫一斤詩云十金易一

兩又苦襍贖真投之湯劑中日飲僅數分味其言

若甚愠然今則漫每株重一錢餘者十金不能易

二分矣其重二三分者亦非二十七八金不能得

一錢況一兩耶且有高麗昌平東洋諸產以偽亂

之往歲已卯九月徐頤亭為余治病前婦搨擋衣

飾質錢十千易漫一株重一錢一分不過四十年

價昂若此使初白翁在不知當作何語是月二十

四五六日早晚六潮西興望京門外沙地約漲十

餘里視曩年較遠舟渡甚近行人怵悅十月製衾

吾鄉大斂不具衾城中多用之禮也飾終之典所

以重吾親遺體何敢自儉作生輓詩二章名輶競馳逐吾

獨愛吾身七尺全所受明發懷二人迴憶弱冠後

閱世五十春風波起平地著絮過荆榛舉足防胃

罪懼與刑戮隣衾影踟躕還踏重荷天公仁懸厓勿

隕墜絕路得通津恢網疎不漏曲恕無懷民行年

近七十競兢葆厥真向平婚嫁畢素願亦已伸髮

搏沙聚還散蕭然淨塵根一了便百了未了聽
 子孫此境雖未歷其事可意論筋弛氣不續肌冷
 難再温安知所由路莽莽山與原號復尚在屋挽
 郎先到門廣柳隨素旄徑去弊故園臨穴送者反
 歸廬自朝昏上界足官府地下多游魂翦紙招何
 處靈光趁風翻及茲杖能起視息猶幸存分甘兼
 童穉絕勝 又制輓聯二一日延喘四年餘不能執
 奠東壻 箸猶可拈豪且任優游自在周身百事備莫訝打
 包終須行脚早拌去住隨緣一曰一了百了笑半
 生西抹東塗此漢於今自了小成大成問何事躬
 行心得爲人至竟無成書室聯一展卷慎毋忘手
 澤傳家最好種心田寢聯一身如未正家難教書
 有所爲夜更思樹滋堂柱聯二一日用百倍功行

成名立退一步想心平氣和一日讀雙節贈言念
 先人清白流芬事事紹聞不易雷幾條庸訓願來
 者詩書承學時時聰聽無忘錢南園先生舊贈一
 聯云修身欲到顏曾地奉國唯從官禮書其人其
 書其言皆可矜式勒懸中堂十一月屬畫師王林
 一寫靜觀圖小影圖中諸孫環侍自題七絕三首
 省識形勞悔故吾顏顏愁見雪盈顛揆支隔歲春
 和景寫八消寒九九圖繞鄰來回日幾巡分甘
 恰稱自由身橫經撰杖從渠戲都是他年拜墓人
 管城到手墨先乾波磔欹斜鉤畫難題字不教
 見輩代憑雷 余年三十客江蘇始作行看子曰陟
 腕力異時看 肥望雲圖懷 二母也四十一作題衫圖悼王宜

人也越二年作環碧山房圖記葺故廬銘 祖德也又二年作硯湖保宅圖誌 二母撫字恩也又五年作滋蘭圖客中課子也又六年作秋鏡校字圖時方讀兩唐書也明年將謁選人作藝蘭圖以蘭為女子花寄教子之任於婦也銓得甯遠作望衡圖記行也藝苑題詞皆琳琅滿幅將之官作灌園圖冀歸田而偕老也度行篋自箴既還里方出示同人均非苟作者今老矣詠萬物靜觀皆自得句有槩于中寫此自遣十二月朔 繼坊 以明春將赴公車與 培塚 謀預稱七十觴乞葭汀稟命作七

律十章止之花甲周來又九年冬羸旬六歲將遷

風鏡暮景吟毫澀木石餘生藥裏延往事久孤弧

矢志來朝長廢蓼莪篇 先嚴忌辰在次日 慈幃無復稱

觴慶 前二日為先生母生朝 忍見兒曹拜後前 最傷心是

脫胞纔人說充間瑞氣來誰分孤生慳祿命翻教

母疾兆胚胎 先生母免身即病脾泄為終身大患 秋風獨活搖

曾耐蜀道當歸寄未回聽徹慈烏啼子夜枕函泪

落清泉臺 憶從畫荻話初生夜板沈沈雞再鳴

香發一枝春信早瑞占三白日華明 先生母言余初生前二

日雪是夕月 神寒那解因人熱夜息從知到曉清翰與

五陵裘馬客灞橋驢背氣崢嶸 蓬轉行勝吳楚
 曠春風歸棹鼠兒年摩挲長鉞馮驩老收拾雙鳧
 葉令旋乙部鈔成虛點鬼幽堂營得待求田枉他
 月旦輕題品錯認頑夫作散仙 幾載繩牀印兩
 趺黑甜鄉外一筇扶壁魚食息依緗裘罔鳳飛鳴
 戀碧梧淪茗焚香閒事業占晴課雨病工夫直應
 感謝偏風力不作兒孫牛馬呼 孤兒苦恃 兩
 慈貞塵鞅勞勞凜捧盈私計歲行憂在戌何圖吾
 降喜惟庚田園縱欠陶元亮婚嫁初完向子平傳
 食千金曾未辦分甘贏得讀書聲 腸肥腦滿記

吾曾歲月空教馬齒增撼樹蚍蜉良獨苦升場傀

偏總無能非闕隸籍希賢聖豈但翹車畏友朋誰

似白楊何祭酒風旛不動續傳燈葭汀近精內
典勸余學佛

尊前愁見綵衣新可是桑鳩養未均扶杖影隨隣

少子問安書杳念游人不得嬌
好消息歌闌欲作收場勢

某劫偏饒末了因苦憶 慈顏親握算為兒添得

幾回春詳前錄丙午
歸舟紀夢 蝸廬近市靜觀宜門外風

埃了不知舉案人能同淡泊作翁事早慣聾癡客

寬禮數科頭見詩嬾推敲脫口為東海笑吾干甚

事揚塵莫記下籌時 清白遺安是素衷卅年齒

冷送韓窮鳶飛弋盼虛弦下瓶罄炊難巧婦工湯
 餅揆支真作劇搏沙參透愛談空何如預節賓筵
 費畱待他年好飾終然已聞之媼友屆期多蒙惠
 顧少時同學惟鄭觀瞻白頭相向餘皆中年後新
 相知者轉增太息仿少陵同谷七歌作古詩七章
 父兮母兮空悵望兒天獨虧兒薄相老來得健慈
 鞠恩負伏迎僵記相傷視畝稅入飽妻孥黍馨知
 否達幽壙嗚呼一歌兮歌已哀寒雲濛濛雪欲來
 有姊篤老有妹貧子賢不肖安能均異縣消息
 雨天絕同氣相命惟三人歛籌交錯萍梗合雲際
 嗷雁悲離羣嗚呼二歌兮歌始放縮地無方重
 快雁長女長女冰霜姿青春鬢髮甘如節鬼車號
 且訓狐視諸孤羸弱臣叔癡年未五十衰且病手
 龜日眠門戶持嗚呼三歌兮歌三發鏡中白盡殘
 鬢髮天涯投分無黃金雲泥難計升與沈獨前

糠秕慚齒斂萬里憂患關一心乍彈指頃傷宿草
 夢魂是處勞追尋嗚呼四歌兮歌四奏孤影淒清
 坐寒漏白衣轉睫蒼狗幻燕鵲啾啾競昏旦須
 史蝴蝶還夢周淹久丁零可并案羊腸振響何崎
 嶇行百里程九十半嗚呼五歌兮歌正長舉頭欲
 問天茫茫腰頑頭重行欲跛斜日沈沈影西墮
 老信頻催知幾時蛇傷鼠齧無不可人力便許榮
 唐花天心可能怒碩果嗚呼六歌兮歌思遲虛聞
 逸少金堂芝庭前舞裊何煌煌中厨新婦調羹
 湯祝嘏客來多不速斗酒幸有山妻藏爰居海上
 鐘鼓震小樓兀坐聞暗香嗚呼七
 歌兮惜終曲熱砂蒸飯甚時熟是日曉起宿雨
 初收天氣和燠諺言生朝陰晴可占來歲休咎然

癸卯余客杭州十三日晝暗夜月衣緼袍汗下十
 四日雞初鳴烈風自北來屋瓦南飛侵晨昏曠辰
 已聞迅雷震遠近繼以驟雪亭午積地盈尺奇冷

重裘肌粟纍纍已而斜日照東楹月朗如秋一日而寒暑備歷次年游蹤無恙也十五日大雪友人丁菊山治歸自京師奉惺園師冬至月十日書書云春間接到年兄正月廿五日所寄書以春夏之交爲幼子次孫連舉兩姻意緒繁擾六七月間又以雨多腿疾復發嬾于搦筆是以未卽具覆茲丁年兄來京又接夏間一書殷殷關念感切感切愚年來不服藥餌頗得調息之益脾胃中祇令受穀麥飭蔬氣味精神轉覺清健惟夜間僅可安睡十餘刻過子刻再不能熟寢此亦氣血之故然亦無

大害事一燈熒熒問已並無希冀分外以致輾轉不能成寐此則可自信者耳目不致聾瞶牙齒一無動搖以七十四歲之人尙能如此初念亦不料及夫婦齊眉四子七孫又何不足耶至於家口衆多終年累責此則命運使然人乎何尤惟慮不能固窮爲同人減色耳川楚賊氛尙未勦滅

至尊宵旰焦勞非臣子可以息肩之候惟累責度日可免貪位苟祿之誚亦不必見諒於人也年兄前書言每日讀論語數篇甚好經歷世事久讀論語更是一番見解愚年來溫習論語省悟得自己多少

過失至來書謂三代以下人才惟郭汾陽庶幾近
之宋儒講學猶未能盡到云云愚謂此等議論且
勿輕易恐是自家學識尚未到至謂天分過人以
學力充之固是然天分過人者有幾畢竟還是學
力切實無弊孔子生知之聖猶曰好古敏求其下
者又何如致力可知矣元史字音參差表傳歧異
處年兄能校錄一過有裨於學者匪淺此卽靜養
之功也先儒曰動亦定靜亦定要在收拾此心不
至入於他途得靜中趣味矣道里遙遠無緣一瞻
接讀來書不啻覲面何遠之有天下惟覲面殊心

者乃真遠耳手顛不能多及此覆並候近佳不旣
書後蓋葆涪圖章面籤題葆涪手緘知吾師又號
葆涪也是年夏秋雨暘時若欣卜大有八月朔至
七日熱過中伏初八日微雨次日復炎曦如暑直
至二十三日後始漸涼木棉花及田禾皆生蟲賊
東鄉尤甚秋成多歉然亦間有大稔者數畝中豐
儉懸殊說者謂去年之被淹補種則壅能肥者息
阜利在上農今年之因熱生蟲則糞不足者坐享
利在下農又非常理可槩矣縣俗持服之家年終
奉像几圍布素亦有用綺錦者穀塍方宅母憂言

禮及之余曰逝者無服似宜從吉歲祀竈或二十三日或二十四日殺品葷素各處不同大槩自沿其先世主饋之風後二三日祀神曰年福報歲貺也亦曰春福祈來歲也卽古蜡祭城中以道士讀祝疏吾鄉率子弟行禮而已雖城居仍遵祖例余十二三歲二母先一夕命沐浴齋誠雞再跽起牲殺果品二母手自潔治年二十授室猶不令新婦代勞祀畢賚抱兒糗兆宜男之慶以承神惠家雖貧熙熙然樂也二母相繼棄養每念及輒不自怡病四年不得承祀聞爆竹聲益無以爲懷

除日丑初一刻立春天氣暄和分歲口占三絕句

示兒輩

商陸頻添細細熏辛盤生菜口餘芬深宵

年了不知齒牙脫盡輒庵宜慙教諸婦多諳性自

奉豐於奉母時愛說增年是老人兒曹莫胡

歲華新流光瞥眼誰能督學歲試彙例二月出巡

駐珍重分陰策致身首寧波次及吾郡吳稷堂先生省蘭由典試爲學

政十一月初旬卽試甯波繼台州十二月二十二

日案臨吾郡應試生童在郡度歲相傳雍正初年

茶陵彭公維新督學時臘杪臨郡至次年開篆方

試今封篆期內試不輟創舉也

書竟能成字得七律四首示兒輩萬里驚濤傍岸舟居然七十見

平頭行年未必古稀得習嬾真應今病休一畝宮

安城市隱五車書豫子孫謀更無餘事榮心曲鎮

日消渠茗半甌丹鳳銜書出帝京晴雲瑞靄滿

山城科名已付兒曹事聞望何如鄉曲英人遇新

年先賀喜天雷老眼待觀成茹豪笑作塗鴉狀合

譜昇平雅頌聲蠲痾悔覓艾三年粗解神間氣

自全去日苦多來日少飢時喫飯困時眠呼童展

席長枯坐愛客談空漸悟禪憑仗東風春借色藥

鑪不費杖頭錢笑看椒觴一再行吾衰可稱頌

長庚壓肩裘敝猶嫌重移步節搭過慮傾漸悟色

空空五蘊應無煩惱惱三彭隨緣作書答葆淳師

便是延齡訣新換頭銜壽者氓

略曰同里丁治歸齋示手書讀至天下惟覲面殊

心者乃真遠耳二語不覺泣然已而破涕為歡性

情感浹言不能宣某氣質粗浮自辛丑壬寅歲

左右稍知變化之理恨無涵養靜功未有進境前

論宋儒深慙鹵莽往讀諸史總從事蹟上攷證得

失比温四子書方知事蹟自有本原宋儒全從誠

敬著力所以顯晦窮通無入不得某曠於論語懷

刑以約兩言孟子守身一言時時畱心體貼然止

就形迹用功苟可罹刑失身者斷斷不為而反已

修道之實曾未講求自得吾師道義廉恥之論始

識守身門徑因思不能習靜只是見理不真認不

定一位字思常出位學無把握數十年來時過增

悔事過增尤老大無成職是之故前在楚中浦撫

軍有汪某欲爲自了漢之目某深自幸蓋天下惟處瘠者易了處膏卽不得了互古以來悲天憫人者不忍了求田問舍者不肯了忘己徇物者不知了無不忍之本領而省識不肯之滯不屑不知之愚則斤斤自了尙近下學實地工夫持此一念已歷十餘年冀能不踰素位或可得吾師所云靜中之趣味與制心不動清靜無爲者有別矣某病四年日以讀史自課親故來候均無譴談調語閒及人事則言惠迪從逆之常餘慶餘殃之變聞者頗不以爲非昏定著枕卽睡子後有時轉側冬夜醒

二三次皆默背四子書及性理數葉或十數葉觸處尋釋義蘊便穩睡達曙蓋從前有想有因夢魂顛倒寐不甯貼自習經書神清氣定夢雖不免而境界少安特風不可犯此是氣虧所致無可如何舊苦出位之思不能收拾因專校全史姓氏一家其功雖無關性命而攷覈異同一字不敢放過實藉爲治心之學廿四史同姓名錄一百六十卷草槩粗定遼金元三史名易混淆某又錄三史同名二十二卷上年以元史繁複擬爲本證一書尙未輟功謹錄自序兩篇呈請誨定至某歸里後卽授

家事於五男次三兩男分居鄉間老屋長四五三
男隨某城居薄田將近百畝皆幕脩所積畱奉先
人歲事外各分授不及十畝城中住屋幸藉官贏
某夫婦受三房輪膳一應門僕一藝圃傭一供役
婢俱從食焉某素不食肉飲酒家人亦久習淡泊
蔬腐卵鰕力猶可給壯者各聽謀生少者不能不
爲經理現今孫男七人五已就傅孫女八人長次
及笄書韻機聲怡然足樂命數修短久無罣礙丁
生言吾師詢某度日情形至於再三謹陳梗槩倘
蒙師庇懸喘一日則受 朝廷一日之奉養勵學

人一日之修爲桑榆短景其志如此四年不能正
書元旦試一爲之猶可辨識不揣冒昧親書此稟
區區依慕之誠委非篇幅可竟惟吾師憫而察之
恕其不恭幸甚幸甚 繼坊 將赴禮部試以余病未
愈不忍卽別勉以及時自効十一日倣襲書七律
示之 臨分絮語燭花紅四世箕裘先汝躬日月光
華依北闕文章聲價重南宮懸弧壯志從
移孝束髮初基記教忠檢點行
囊雙節傳清芬莫負舊家風 二十四日晚縣尊
傳知初三日

太上皇帝龍馭上賓次早祇園寺公所哭臨 輝祖 以痺廢
不能匍匐盡哀五中摧裂二十五日率家人縞素

午後痰喘大作夜不成寐遂病卧至二月初八日
始扶杖强起方校補三史同名元史本證二書恐
難卒業繼培力請代勞檢各稟畀之三月初十日
赴故里拜埽先塋自中偏風久未上冢恐哀邁日
甚春氣暄和勉至 曾祖 祖爾代墓前瞻仰兩
兒左右掖不能登岸舟中俯伏訖難成禮 先考
墓竟不能到四月孫氏女歸甯姑喪末期簪環傳
粉衣裙元綺履月白布疑以余老病避忌問之家
居常然甚非之余舊游吳興見士人持服者衣元
布何於婦女獨異命女去飾易服以存禮意吾邑

男婦居喪二年皆純素揆親則蒙元鈕用骨履素
如常婦女簪不金銀耳不環面不粉持服必周三
年律應起復者二十七月遵例呈官居家常服仍
皆用元布女既嫁服父母喪踰期不衣襍綵曰除
紅斷緣雖告以禮律習不可移是過也然較之湖
俗未可厚非吾家 二母終身不傅粉是以前婦
來歸逾兩月卽不簪花去脂粉今婦亦然兒婦五
人遂無不然非賓祭不盛飾蓋習貫自然果傳爲
家風亦幸事矣 繼坊下第五月寄回葆瀆師四月
望日荅書書曰令郎至都接到新正手書纏繇周

攀可勝感泐年兄親寫長札數千言雖云右手右足微腫可知精神復舊愚則竟不能矣年兄以佐幕束脩及爲令廉俸所積置有薄產僅供餽粥今聞去官後士民尙不能忘可以無媿此生至讀論語解懷刑以約二語讀孟子解守身一語反身切己工夫卽是素位門徑卽是主靜根基夜間得穩睡便是效驗遼金元三史同名攷訂非易年兄得成是書又爲元史本證甚有益於學者不可云讀書末節自序二篇講得極有關係從前不爲作序者實未用功於此不敢強作解事也愚近倖甚健

現充恭理

張儀每日卯出申歸頗不覺勞近復充

實錄館總裁一切尙可支持惟年逾懸車戀棧之譏不能

不過慮耳令郎春闈未捷當亦有時命焉此覆並

候近佳諸惟珍重不宣湯敦甫

敦山更號

選庶吉士吾

邑入國朝館選四人西河以博學鴻詞入嘉慶

丙辰陸君平泉

以莊

陸君鄴仙

沁

今敦甫繼之兩

科連得三人士氣蔚興可喜接

繼坊

四月二十六

日信手書荅之書日四月二十外知汝下第旋聞

開科之信月二日卽寄書令汝覓館畱京來信甚

愜吾意新榜多知名士汝之不預宜也急宜媿奮
力學吾嘗言學人可以自爲者惟讀書寫字二事
功候旣到得失有命況苦心不負終必得之其不
得者畢竟功不到也見汝與培書謂人生須有生
計方可兼圖進取日下生計艱難不可專靠兔園
冊子此是近日識解進境儒以治生爲本古有明
訓至云進退維谷功名念灰此則大謬古來端人
傑士無不從困頓中磨鍊出來無暇遠引卽吾契
好如邵二雲學士孫遲舟太史沈青齋觀察皆備
歷艱難而後得成學問得有遇合立身樹品處處

站得穩處向使吾席豐履厚恐亦悠悠忽忽不能
耐苦提心汝不幸少值順境又微倖早貢於鄉吾
望汝專心儒業不督汝以世務汝遂易視成名學
鮮精進是吾之過也汝年三十有八婚嫁漸起吾
旣力不能顧無怪汝之長慮然吾三十八歲時尙
未鄉薦兩間半老屋外一無長物專憑筆耒所入
資給事畜而且先人諸事未完視汝現在光景
何如而吾未嘗愁苦者信先德所鍾必不至飢寒
終困惟豎起脊骨務本做人竟邀天庇吾於先
世事一一做好卽吾夫婦身後一切亦具有條理

不致重爲汝累夫聰聽祖考彝訓思貽父母令名
爲先人子孫事也遺安遺清白爲一身子孫計也
未遇而憂貧得時而躁進無論所求未必能遂卽
幸遂必玷先德貽後患故士人行己甯爲小人譏
笑毋爲君子輕薄吾一生用力立志如此幕脩刑
名最重吾幕食三十餘年何敢爲過橋拆橋之語
然諺言刑名喫兒孫飯吾 母嘗不許吾立誓入
幕盡心力爲之如非義財祀吾 父不享及不長
子孫者必不敢入橐故游幕以來必誠必慎念念
以百姓爲事怨勞不辭汝隨吾讀書十年眼見耳

聞同事諸君才多勝吾誠慎似少不及甚有數年
閒家卽饒裕不數年而或老病死亡或嗣絕家破
吾日見而心懼焉所以庸訓中不願吾子孫更習
此事汝念及此亦非得已此事近來多無真實根
柢文義明析學之不難先須心術端正操守慎潔
講律例以植其本閱京報以達其宜習批詞以治
下辨讞斷以申上不過潛心一年便優爲之所慮
者知法而不通乎法之神明則諺所云依律法打
殺者造孽已多更不在心之不正守之不潔故可
危也萬一爲之則佐治藥言不可不條條玩繹刻

刻念先世積累不可及身而斬可以餬口可以立身可以成家公餘仍須不廢故業爲進取張本此數語是吾數十年實功汝當切記勿忘汝丙辰南還旣因吾病不忍遠離授徒兩年毫無裨益今吾已成貞疾歷年交夏飯食遞減今年從三月起却每日藥兩盃飯六盃只是杖履不便而右手轉能作字勝於往時當是延年之兆卽或不然齒臻七十尙何奢望有子有孫光景甚不寂寞正不必汝之日在鄰前人生非麋鹿安得長相聚萬勿以吾爲念汝母近亦平善舉家大小皆安毋庸掛懷惟

憂用老況在遠客努力安命修德不必懸憂且憂亦何補於貧耶切囑切囑舍館若定卽從古梅兄處寄吾得知亦省牽繫也六月初四日得敦甫書問立身之本爲學之要余雅重敦甫植品語多誠勉敦甫不以爲贅書悒獨見懇摯因荅以行已須認定路頭腳踏實地事事存誠務本不從顯晦著想則充之可爲醕儒約之亦成端士至玉堂儲才異日爲國家倚畀學必求其可用凡朝廷大經大法及古今事勢異宜之故皆須一一體究勿沾沾以詞章角勝吾鄉魏文靖之勲德自遠在毛

西河文章上也手書數百言貽之遂進兒輩而語之曰國家養士始庠序以至詞垣教之甚備原期收得人之用爲之士者束髮受書父兄卽望其以功名自効乃或高談古昔自矜淹雅於時務一無通曉小試之民社教養不知大畀之封疆緩急失據所讀何書是誰之過汝曹當求志之時冀策名之會均宜自重自期許安身立命勿務名勿躁進學則根柢經史厚樹本原熟讀資治通鑑文獻通攷以知古博覽

大清會典直省通志以知今効及天下郡國利病書

方輿紀要以周知古今治理之大勢才識苟裕窮達咸宜八比文試體詩臺閣字雖未能資以壽世然出身之所藉手斷不可荒若夫纂輯逸書攷證古義搜採金石講求音律上而上智軼材早躋清華用式後學下而宿儒居士自安韋布借著聲聞有暇日固優爲之要非舉業家先務中人之質精力有限學其所不必學勢不能學其所必當學而總歸不學無術吾身歷而知有不勝追悔者願汝曹戒之勉之七月初二日暴風從東南來高樹皆折屋瓦紛紛飛墜雨雹大如雞卵或見龍從空

中過大義里雙節坊烏頭摧動四柱欹側當坊初
建時余客烏程倩人董理比歸坊已成嘗慮地偏
河岸基址難固甫三十二年天降此戾原址萬萬
不能經久里中又無地可遷商之葭汀於西興道
上購址移建繼培校敷三史同名增益幾倍并敘
錄爲卷四十從之二十一日繼坊佐友倅廣東肇
慶便道歸省戚友來多言近苦盜賊肆橫瀕江郭
家埠尤爲盜窟皆赦回舊犯莫敢誰何余校元史
讀張養浩傳至罷舊盜之朔望參者曰彼皆良民
飢寒所迫不得已而爲盜耳旣加之以刑猶以盜

目之是絕其自新之路也衆皆感泣戒曰毋負張
公竊嘆盜之可格今盜亦猶是民也貪黷忿爭自
干法紀或遠戍累歲或配駟充徒得遇赦放免不
止罷朔望參也而無良至是豈怙惡不悛其天性
然歟抑有司之不能宣

上德化無以感之而赦非善人之福歟八月聞督學將
於來春科試吾郡令繼培專溫經書仍取元史本

證自訂得山東孫西林方伯公子若伊書公子與

弟若夔子樹敷並爲諸生兄弟有子五人已得四

孫公與余交甚摯嘗和獨吟草四十首獎愛不啻

口出己丑北上主公寓廬歡然不知身之在客也

藩浙時屢招入幕固辭詳前錄及卒余屬二雲為狀

二雲徵公家世及居官政蹟時長公子北還餘皆

幼未有以應也余見公治官書夜輒達旦不自覺

勞勩所至奉為神明久而彌見愛戴每欲訪求行

事為之排纂然卒莫能道其詳者竊傷公之大德

不傳於後今孫曾林立能世先業公固不死矣書

芻言九則上葆淳師略曰五月望日讀手諭敬稔

起居安健深慰戀慕私忱六月二十一日兒子繼

坊回里備述吾師氣體充腴精神強固益信天之

祚

國祐民所以福大賢而庇時事者未有艾也春日

今屢讀邸鈔欽惟

聖天子刑賞舉措動恆輿情如天之仁涵濡怙冒海隅

蒼生額手感頌遙想

殿陛之間明良襄贊不但吾師道可竟行凡名公鉅

卿之純正不偏者皆能密陳持久之箴時進貞恒

之頌下至草澤狂愚干

嚴瀆冒

曲子優容不加罪譴此自設輅懸鐸以來實所僅見

某病廢累年竟得躬逢盛事自問餘生尤深萬幸
伏念吾師荷

聖主之知遇至優極渥珽垓仰望積久彌殷際可言之
時居得爲之位誠信既孚於

當亡矜式復浹於羣僚當無虞擊之肘者而某受吾師
教誨迴越尋常懸揣政府謨猷固非草茅所能窺
天測區區之見竊以爲

聖政維新源清本正直省大吏知皆廉正自持第柄臣
秉國以來元氣日漓求治於今必得學識能通經
達權才略能整綱肅紀者經營調劑威德兼施方

可力挽頽風漸臻上理如僅以含宏養度介節鳴
廉恐大廉而未必小法積重之勢斷難遽反吾師
澄觀已久當世賢豪盡歸藻鑑某嘗讀前史每見
功名之士多喜事而不盡解事能解事矣又往往
身家計重轉至避事故得解事而肯任事者任之
事始有濟相臣之道莫要於薦賢望吾師以能愛
能惡之仁密爲推舉庶天下蒙徧德之休而

國家收得人之效稔思政紀大端約有九事非敢爲
出位之思妄獻芻蕘而寤寐耿耿無能自釋且日
者謂某歲行在申當有大限桑榆迫促又恐將來

未必能申稟啟及今尙有一隙微明用敢不揣冒昧擬効捧土益岱之勞謬竭愚誠以報知己臆見淺率不知可備採擇于萬一否近日握管更難力疾書此另摺繁冗不能手錄令幼男代繕不敢令外人見也筆畫陋劣統惟鑒察得銅仁劉仙圃三月六日書知前以平苗功蒙

賜花翎俸滿已奉部行調因軍需報銷未竣尙畱黔

中九月繼坊赴廣東得湖南友人書知湘陰曾洞

莊師次子輝越中式戊午鄉試舉人余戊申分校

薦士也其弟遇唐戊申中副貢生十月十五日子

夜繼培次子生枕上口占四詩乍聽嗶嗶第一聲

興門期遠吾難待會見呼翁捧杖行巷柝丁丁雞未鳴霜天夜氣似秋清良辰記取初冬暖姪御纔西魄正盈呱泣聲連比舍嬰一嬰猶乳一嬰生老懷占喜無多事來歲丁添嬰又兄三世伶行一線身貞心裕後兩慈親兒昔先生母病名他日通詞苑雙節曾孫第七人昔先生母病亟慮誤輝祖秋試輝祖泣而對曰吾汪氏遷祖至

今六百年未有甲第兒不肖素未計及科名誓遵

母命從此專治舉業逢場必到死而後已子孫有志讀書者必道之學令其應試恃吾母節孝

後人理當受祐母微點額已不能再出辭矣服

除自刻私印文曰雙節母兒繼坊充博士弟子以

雙節長孫一石授之繼培入學授以雙節第四孫

一石並命兒輩有業儒者自曾元遠雲仍皆以雙

節第幾世第幾孫為圖章故結句云爾彌月文葆

相見眉目疎朗咳名芝生右拇枝指亦可曰枝生

異時就塾當以世錦名之實齋作七徵一篇先期

寄壽錢塘潘侍御德園庭筠過訪款敘兩日述官

中書侍武進劉文定公言及隸篆書公曰君當作

真書為進 奏之用分草隸篆徒資人驅使韓昌

黎所謂可憐無益費精神也曩聞番禺莊滋圃先

生有恭任江浙巡撫日以作真書為曉課葆高師

在浙每晨起書真體百字方理他事嘗語某吾前

督閩學疾作屬人書 奏摺奉

至尊訓誥故不敢一日曠功文定公篤論聞者皆當書

紳自勛也十二月初三日重建雙節坊成敬告

先靈因樹碑於大義里聚奎橋北岸題曰

欽旌汪氏雙節坊故址嘉慶四年十二月移建縣治西

門外官道用誌厥初云浙西知交有惠生日詩并

訂枉顧者作七律六首答謝萬方過密未忘憂忍

何須蛇畫足嘉賓應笑雉藏頭閒從病乞容容福

老更衰催旋旋休添得新愁南海路白雲飛處日

凝眸 懸媿貽箋章表民卅年後似再生身授書

莫副丸熊志鳴杼終辜織素人相伴梅花寒徹骨

獨依黍谷暖回春可堪此景長追憶一讀高文一
槍神蟬芸纏結舊因緣充棟書消日幾篇臂苦
不仁難使指魚終未得忍忘筌別淮細辨呼兒證
甲乙粗分倩客編倘問今年六時課差同博奕號
猶賢少年家落老垂成漫計餘齡作麼生顯鼠
飲河將滿腹白鷗戲海待尋盟許酬弓冶傳經志
綽有斑烏繞鄴行容易龍鍾親見得敢微天幸忘
持盈大千世界一蘆廬根偶塵緣莫問渠醫說
精神渾未減我知腴理已全疎春聲互荅欣秋稔
藥債頻徵怯歲除喉罷梳翎憐病鶴負暄嬾更檢
方書稠疊瑤章念軸邁坤古井欲生波山中
風吼松濤震海上樓驚蜃市過六月虎頭方授鉞
兩川螳臂盼韜戈春來八表是歲早晚二穀皆豐
初開一聽賦還歸約和歌

登米價銀直俱與前年相仿惟市錢更襍縣城及
南鄉并近城之東鄉交易用市錢一百文抵制錢
九十五文極東各鄉至紹興郡城則抵九十文名

制錢曰九折錢頗省選換之煩然東鄉人齋制錢
入縣城行使不免虧折縣城番銀一圓直制錢八
百四十或四十五文市錢則八百七十八十文不
等亦與東鄉懸殊食用百物俱比往歲更昂余少
聞故老言中人家有田百畝便可度日爾時上
田不過畝直銀十三四兩每兩作制錢七百文或
七百四五十文計田一畝止錢十千餘文今上田
畝直制錢三十五六千文有增至四十千者東鄉
較賤然亦自二十七八千至三十千文里人多瘠
其田半鬻於杭人佃戶利種杭田可減租額故近

年租入較緇田百畝計歲得租米一百餘石頗襍
糝和水斗止直錢一百七八十文條銀南米約費
二十石之直十餘口之戶支給不易況不能百畝
者乎余嘗語親友誨子弟雖有恒產當有恒業苟
無恒業必無恒心設無恒心終無恒產有恒心而
無恒產者尙可以生有恒產而無恒心者必至於
死人生在勤今尤爲不習勤者危也温州甯波二
府沿海各縣四五年來常爲艇匪所擾艇匪多屬
安南人爲粵東閩海盜每夏月乘南風由閩粵來
浙僞張旗號遇商船劫而繫之量其貨之貴賤贏

緇縱本人到家取番銀或一千圓或二千圓依期
赴贖官軍勦逐亦有被獲伏誅者然未足禱其魄
也北風作則南去往年八月至次年四月海中安
戢今年商船不敢出洋無貨可劫匪多留而不去
故六七月制府中堂書公麟與撫軍玉公德在溫
州督捕十一月復擾甯波玉公已署制府又往督
巡前者止擾溫境今及甯波吾紹與甯界毗連說
者謂山陰之白洋等處偏海而居前明倭寇可到
者勢恐游及余則謂清水灣距白洋不過五六十
里亦爲吾邑之患清水灣者管隸海甯而地在海

南雷山青龍山之內實與山陰蕭山沙地緊接距
北海塘數十里乃海潮衝刷之溝深不可涉惟一
處最淺土人可通往來葢草爲屋恃爲匪藪凡梟
販賊盜及餘姚上虞無藉之徒羈佃沙地而近失
業者附焉數月間蔓引陔延叢集數百人名以渾
名相呼如闖王阿三後改名昌阿三羅成阿二後改名成阿二之
類出必挾刀自衛夜則行劫人莫敢撻號其處爲
小梁山知者深以爲憂會前督學阮公元以戶部
侍郎巡撫浙江下車數日卽訪確匪跡密飭杭紹
二府名捕究鞫黨羽多皆冬月劫案正犯從此剪

枝拔本當無後患又密遣幹員捕獲楊家浜積匪
韓求各盜畏避居人行舟均慶甯謐矣雷山與赭
山相近舊在海北故隸海甯管轄今漲在南沙赭
山巡檢司屬於海甯而所轄沙地皆在山陰蕭山
海甯旣苦鞭長山蕭復同隔膜歲癸己余佐幕海
甯以提犯徵糧率多周折遇有人命及鬪毆傷重
者風色不利印官必紆道杭蕭查驗動輒稽延謬
議改隸山蕭且沙民獷悍械鬪相仍巡檢權輕不
能彈壓海甯勒捕則散竄山蕭境內輾轉關提狡
避詭脫似非治道因思紹郡海防同知素駐梁通

今久在郡城任輕事簡請改爲南海防同知移駐
赭山屬主人劉仙圃面稟撫軍熊公奉諭補稟商
辦迨稟上未聞可否今小梁山之名倘聞諸當事
或當有以慮其後乎吾郡倉穀舊赴外江採買丁
亥丙子間始買自本境今秋欽奉

上諭買補倉穀在豐稔鄰縣案照時價公平採辦不許
向本地派買近完條銀每錢折制錢一百八九十
文冬月又奉

上諭條銀一項例應民間自封投櫃其鄉民向有折交
錢文者若竟行禁止恐小民不諳銀色反受胥吏

愚弄各督撫務於開徵之先案照時價核定折銀
上庫之數每兩征大錢若干文出示曉諭聽民自
便毋許絲毫浮收仰見

聖天子體卹民隱洞鑒幽微吾邑額徵條銀曷至次年
五月地丁奏銷絕戶間有尾欠其有著之產從無
梗延近年追呼星急上中各戶率于三四月間全
完五月通邑額徵即完至八九分乃二月開徵旬
日圖差地保即將鄉居孤寡及樸愿中戶代爲足
額全完向本戶每銀一錢索大錢二百三四五十
文不等定數出示

仁政先周無告矣南米例至八月開徵今則三四月間
差保亦為墊納每升索價六七十文至八九十文
往歲丙辰上米斗直錢三百三四十文故倉書折
收南米升五六十文今可上倉之米斗直一百九
十至二百文而折轉加增升至五十餘文尙云賠
累至銀米印串舊時每張給錢三文癸丑縣尊陸
公德燦請鈐府印加費七文今府不蓋印而十文
轉難再減似亦不能無望于愛民者之建白也山
陰孫氏仲姊卒姊長余六歲 先生母嘗言某嬰
孩時姊護視周謹恩誼尤摯秋初病瘡余往省仲

姊甚歡未半年遽成永訣

繼塚

同坊

婦送歛歸述

繼英

遵母命不用僧尼樂人帷堂肅然治歛唯謹

往見親友歛時梵誦鼓吹閒襍孝子眷屬耳目紛

撓余素嫉之今

塚

等眼見吾姊之事

繼英

事母非

儉於財者此事愈徵其孝他日兒輩當如

繼英之

不為俗尙所惑吾庶安焉二十二日奉葆瀆師十

一月初八日書書云九月十九日接年兄手書及

言事一摺皆切當今急務本欲呈諸

至尊立見施行既而思之其中五六事皆曾略陳其概
而愚之意總以平賊為急是以自正月以來或進

芻言或蒙

召見多言兵事無如謀迂計拙未能裨補萬一此時方以戀棧爲羞竟有無暇他及之勢然年兄一番忠愛之誠

天日可鑒愚終不敢隱匿也年兄所書稟函尙有氣力天佑善人氣數未可盡信惟冀善自保養尙更有可以助愚者不妨令郎代書字之工拙有何關係賤體粗安足疾亦竟全愈惟精神漸衰家運多乖正月間長媳病故八月次子又以解血而亡心緒甚爲不佳然旦晚惟盼賊氛淨掃愚之一身何足重輕

草木同腐由于材質自顧亦無足恤也此覆並候近佳不宜狂瞽之言竟蒙鑒納用自慰幸冬暖無雪除日微霰見雪花數片午後嚴寒氣逼重裘硯冰不能作字余少稟 二母訓家非賓祭無特殺雞臠之事佐幕服官不渝此素丙辰病少瘳思啖雞臠臠羹諸婦常以充庖未及一月惻然誠止是夕家譙約數家常自城居以來賓至市熟於肆不煩宰殺然終年祀先而外合 坊培塚 三房祀神度節及姻友贈荅歲用雞臠五十餘隻奉膳之數約亦如之鄉居 壩坊 兩房雖不祀先輪餐計度節祀

神饑賊亦非四十餘隻不可視兒曹未析居時費
 過四倍大虧好生之德救諸婦開年治膳急當止
 殺往年十歲時是日 奉直公為 叔父債累昏
 定始挈 輝祖 詣店雜髮比歸鄰皆閉戶二十二歲
 為童子師分歲後束脯方至急償米欠復賒斗米
 度歲慨然知授徒之不足為養次年辭館習幕今
 吾 父見背六十年 二母亦棄養三四十一年米
 薪粗給幸免假貸拜瞻先像不覺淚下作五古一
 首示 培塚 兩兒及諸孫之漸解事者 歲事今告備
 過荷高厚德食肉衣重裘栗棗先幼穉魚菽從婦
 謀吾哀縱日甚居養安且周借問何以致先人餘

慶優藝黍秋不及厥後盈車簞仰事一無
 逮忝生空白頭此意誰解識展像涕泗流

五年庚申七十一歲元旦曉起同雲四散須臾復合口

占七絕四首

八表初開第一朝 芻尼音好不嫌囂
 便教跳得猴 圈過 觀 蹶 網 龜 錫 魁

神故容鄰居 應號高寮 起聽見童話 曉晴晨光
 欲上雨雲生 濡豪待寫 椒花頌 呵凍融字未成
 兒掖孫扶拜 起遲年 勉肅祀 先儀 朝來陡覺
 腰難折 喘息頻 調坐 懶移 賴得梅花伴 草廬幽
 香怡稱野人居 螭 幻 久 斷 手書 荅 葆 淳 師 初三日
 山中夢師友 纏綿索報書

夕大雪十一日立春先兩日晝夜雨是日甲子幸
 晴霽十五日黃昏大雪次日晨起平地深二尺至
 十八日晡時園中幾積四尺耄耄之人詫為創見
 比晚月出甚皎命兒輩扶掖登樓遠眺不見城闕

舍宇雪月連天真為奇觀三月

穀見

殤學使劉信

芳先生

錄之

科試

繼培

倅充辛酉科拔貢生臯例

選拔科試時每學止取一人如本科鄉試中式不

復選補已酉科學使朱石君先生

珪

於正貢外取

備貢二人首名獲雋即以次升充劉公遂沿此例

吾邑

繼培

居首次盛君蘆汀

唐

次來君劔城

煥大

君子憐才之意先後如一也上年

恩諭完納錢糧照依時價大憲二月發示鄉民未見是

時庫銀一錢直制錢一百八文而櫃書銀匠收尚

浮冒遂滋物議邑尊訪聞示諭於是合計平餘解

費傾鎔火工等項每銀一錢收制錢一百三十六

文串票每張五文差保代墊當堂諭禁輿情歡忭

不兩旬而完額九分

有延至八月後者又增收至一百五六十文不等串票仍

每張

四月

繼坊

自粵東歸聞葆淳師患痢寄書問

安二十八日

繼坊

四子生足娛吾老也名曰娛兒

今名

世錫旋聞右手駢拇又令呼駢兒娛生後芝生五

月駢拇枝指聚於一門作七絕一首誌之

不信蒙莊妙寓

言駢枝真箇弟承昆憑渠啼笑堪娛老知更餘年見幾孫

五月在心客平湖歸

云前言乍浦奉叔生像者今復過其家主人高丈

已歿家人禮像如故詢之曰乾隆二十八年吾父

為怨家陷入命案官驗時適他出官諭補提旬日
 後竟不被傳偵問承行吏知令叔在幕中屢抹臺
 不行官曲從之吾父感不去心嘗言微汪公吾身
 受刑家必破後於裱背舖見令叔小像倩人摹摹
 供奉十年前吾父聞令叔出仕子亦發科喜告家
 人謂天道報善不爽諄諄誠某等勿忘我以叔近狀
 語之其家歡喜贊歎前錄疑是歸教人誤也因思初至楚時
 長沙知府陳公嘉謨錢塘人辛巳進士後陞福建延建道稱余諳吏治
 剛介有識遂叨上官知遇數年不違余志已酉秋
 語余當調攸縣余乞代辭至屈邾固請公曰大奇

大奇此缺人皆求之不得君荷大憲特賞勝甯遠
 十餘倍且地非衝要君屢辭調舍此何俟余謹對
 曰非敢擇地也缺美則事繁不能親辦恐負憲恩
 耳因叩受知之故公笑曰吾固確有所見也余敬
 謝不敏公曰君記丁亥佐仁和李大令治王氏婦
 魏殺婢芝香獄乎余唯唯公曰我猶記讞詞云律
 載奴婢違犯教令而依法決罰邂逅致死勿論王
 魏氏病需澆治芝香碎盃於地澆汁全傾魏氏方
 起坐待飲順取床前几上界尺信手一擊不期誤
 中左太陽立時仰跌斃命已訊伊夫王某歷歷供

明驗其臥室碎盃猶在所指毆處形勢宛然毆因
違令死係邂逅魏氏律得勿論恐扶病匍匐或釀
不測夫既供明應免提質吾嘗語親友佐幕入官
必具此等才識方是仁恕余媿謝而已乙卯繼培
省試遇歸安嚴茂才九能元照問為余子親如舊
識因言其家舊置錢肆甲辰秋因主簿差役婪贓
逼命賊錢由肆兌給牽連入案後縣中僅令地保
傳諭弔驗錢簿即日發還聞為尊公力持幸不到
官吾父常感矜全厚誼云云前事遠踰三十年近
亦十年有餘余皆茫無記憶而受者志之聞者尚

能言之乃知百姓懼累人命尤甚諺云公門中好
修行反是可知三十餘年累人不少詛者必多天
不逮余以康甯殆非無自徐端揆銓改名秉鈐以候選
知縣揀發福建六月四日過別言閩令不易為漳
泉兩郡尤甚相驗命案更恐滋事余曰微獨閩也
曩令甯遠山鄉民悍前官嘗被屍親誣闕習為故
常余每驗屍案上先置洗冤錄遇屍親恃狡爭傷
卽檢錄指示曰此

聖天子所以教有司驗傷之法若者真確可信若者近
似增疑顏色部位歷歷具在有司遵錄填格不敢

略有私意令屍親依錄親辨細與講解四年中本境及鄰境所驗鬪毆自盡等案不下百十餘起觀者不禁無不肅然心折皆案頭置錄之效也顧亦有不可拘泥者如自縊一條惟八字不交舌出齒不出齒之故一定不易兩腿如火災斑痕則間亦無之有坐而縊蹲而縊卧而縊者錄所未備余俱經見全在驗時察訊形勢實無他故不妨遵格填報以免推諉至驗骨最慘皆因初驗不慎釀成此則官幕鵠突造孽匪細下部虛怯無骨可驗驗于上身如小腹有傷血痕在齒牙及頂心骨者蓋受

痛齧牙氣上衝也其理甚明然龍游廬標一案踢傷小腹已逾二十七日中間患傷寒醫藥有案齒牙頂骨屢檢無故共信為傷痊而死於病矣臬司李公獨執成見以方骨黑色為小腹踢傷此則部位相通色傷相證錄俱不載臬司必欲以此定案余為主人累稟剖辯臬置不問衢守王處守楊迎合臬意刑求醫生力翻醫案詳見前錄余知獄不枉不止遂辭王君歸後聞臬司陞楚藩急急招解竟以方骨為小腹磨傷余某擬絞奏請竊意論傷不本洗冤錄事屬創解余既不經手亦未聞部詰其

時官文書諸可通融未知撫軍核題會否改方骨
爲頂骨抑小腹有傷原可舍頂骨齒牙取證方骨
或竟刪去醫案專辦傷死距今二十七年積疑莫
釋楊守是年猝死次年撫軍緣事伏法王守以撫
軍牽連擬辟長禁刑部臬司由楚藩陞撫旋罷不
久物故惟主人王君告養回義州去年書來娛親
教子安甯無恙案犯余某例得減軍亦未知曾否
赦回往事東流與余無涉因慮錄之不能盡賅又
見天之報施可畏故追述之以備攷鑑贈佐治藥
言學治臆說各一冊翼日復手書說贅十四則貽

之並刊附臆說之後越旬端揆復來曰賜書已一
一卒讀抑事上理民之道書有未暢者乞再面命
之余曰事機百變非名言可罄惟積誠二字上下
相宜君素給事吏部有能名藐外官久矣一爲令
慢丞倅輒獲警况道府上乎上官靜躁不同寬嚴
亦異要之理無不明莫難於事非筆墨可申不得
不爲面請者宜預先積誠將案情委曲籌定然後
據實面陳理直則氣壯氣壯則辭達必能動聽上
官變色厲聲更當從容辨說力期自伸其理斷不
可游移唯諾轉爲上官所輕事致掣肘遇委審事

尤不宜先請憲示以致委蛇細法至百姓可誠感
不可偽欺誠則信信則從聽訟宜緩不宜急宜和
平不宜剛健宜速宜結不宜改期宕延平時柔之
以漸臨事厲之以威詰噤者數人而諸噤者不敢
試懲梗者數人而將梗者不敢橫百姓雖獷悍斷
不敢遽抗官也余聞令漳泉者公出聞械鬪輒紆
道避之官愈憚則民愈驕釀至民不畏官則令之
不能爲治匪一朝一夕之故矣果能官不畏民未
必民不畏法先自去其厲民之政而與民相見以
誠久之民必信從何慮焉先是艇匪未靖阮公親

駐甯波添造戰船封禁海關出入察治偷漏硝磺
匪船不得內匪確信游奕海中偵揆動靜二十三
四日暴風大作多被覆溺其不覆者又自相撞擊
碎裂間或吹入海口被弁兵擒獲數百名有僞稱
侯帥衣繡蟒者亦束手就捕分別正法得脫逃者
僅兩船仁者必勇宜天之相公也九月繼培省試
又斥曩壬午容秀水過僧舍遇丹徒測字者爲謝
石再見余書一佛字叩之其人曰君必爲地方官
立得穩處以進士起家能知退壽至七十余詢其
說曰君書个字方依几立个配以立必有職位个

乃人也非地方官安有人不字一豎得直是能自立者弗爲弓兩矢貫之一中再中非進士而何佛無貪戀必能勇退佛以七紀數故壽可滿七丙戌新城魯絜非進士 仕驥 推余星命謂運利于水自維幕游不離江浙二省始於常熟 古曰 訖於歸安 縣隸 其間長洲秀水平湖甯波龍游地皆屬水仁和錢塘烏程雖字不傍水然仁和錢塘並在江干烏程古名苕溪在湖州境及選官得湖南甯遠舊稱冷道且瀟水之所發源仕亦無累移道州輒躓利水之說信而有徵又云丙午八月得官丁未春

夏之交得印至庚戌八月所向如意九月初五日換度仕途不利壬子歸田乙卯有災庚申七月必當長行余意乙巳可選後以事滯雷得官得印並如所言庚戌八月望後擬卽告病會以委審事輾轉濡遲九月初五日受道州篆馴致跌傷獲咎歸田中風年無一爽春來飯止一盃自信七月有凶不意八月後健飯如常台之測字所許亦已過期豈死生大故未許前知耶詩以誌幸 廿年前已警言不食新今日加餐升 益入春以來舉家遞病幸未久淹日藥鑪三四不輟當皆爲余分謹也十月

十四日以文渡江相訪款留三日日晨起暢談至
二更餘不覺少疲真病後快事二十四日薙髮冒
風舌本陡強不能步賴眠食如常越十日得瘡然
食飲頓減視前更困余中年病齒三年前齒全脫
今上齶左存一牙下齶右存三牙不能阻嚼唯以
腐羹爲常餐飯非顆粒不分卽難入口昂若勸以
黃耆黑棗糯米煮粥爲晨起點心稍試之亦止
頃讀史記倉公傳趙章病法五日死而後十日乃
死其人嗜粥故中藏寶中藏寶故過期近日雞鳴
後輒醒胃搖搖若春當由中虛似宜食粥而無如

